

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N 01-10/156

ქ. ბათუმი

09 დეკემბერი, 2022 წ.

ბსუ-ს მთავარი შიდა აუდიტორის თანამდებობის დასაკავებლად შესარჩევი ღია კონკურსის გამოცხადების შესახებ

„უმაღლესი განათლების შესახებ“ საქართველოს კანონის 23-24-ე მუხლების, ბსუ-ს წესდების მე-15 მუხლის, „საქართველოს შრომის კოდექსის“, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის დამხმარე პერსონალის შესარჩევი კონკურსის ჩატარების წესის დამტკიცების შესახებ“ ბსუ-ს წარმომადგენლობითი საბჭოს 2021 წლის 24 დეკემბრის N07-01/58 გადაწყვეტილების, „ბსუ-ს სტრუქტურაში ცვლილების შეტანისა და მთავარი შიდა აუდიტორის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2021 წლის 30 დეკემბრის N07-01/62 გადაწყვეტილების, საქმისწარმოების სამსახურის (კანცელარია) უფროსის სამსახურებრივი ბარათის (MES 7 22 0001324332, 19/10/2022) საფუძველზე

ვ ბ რ ძ ა ნ ე ბ ა:

1. გამოცხადდეს ღია კონკურსი ბსუ-ს მთავარი შიდა აუდიტორის თანამდებობის დასაკავებლად და გამოქვეყნდეს ბსუ-ს ვებგვერდზე კონკურსის გამოცხადების შესახებ განცხადება (წინამდებარე ბრძანების N1 დანართი - საკონკურსო თანამდებობის, საკვალიფიკაციო მოთხოვნების, წარმოსადგენი დოკუმენტაციის ჩამონათვალის და საკონკურსო ვადების მითითებით).
2. დამტკიცდეს კონკურსანტის მიერ წარმოსადგენი სააპლიკაციო განაცხადის ფორმა წინამდებარე ბრძანების N2 დანართის შესაბამისად.
3. განისაზღვროს შემდეგი საკონკურსო ვადები:
 - 3.1. კონკურსანტების მიერ სააპლიკაციო განაცხადის და საკონკურსო დოკუმენტაციის წარმოდგენა - 2022 წლის 12 დეკემბრიდან 19 დეკემბრის ჩათვლით;
 - 3.2. კონკურსის პირველი ეტაპი - საკონკურსო კომისიის მიერ საკონკურსო დოკუმენტაციის შეფასება/გადარჩევა - 2022 წლის 20 დეკემბერი;
 - 3.3. კონკურსის მეორე ეტაპი - გასაუბრება საკონკურსო კომისიასთან - 2022 წლის 21 დეკემბრიდან 23 დეკემბრის ჩათვლით პერიოდში (გასაუბრების ზუსტი თარიღის, ადგილის და დროის შესახებ კონკურსანტებს ეცნობებათ ერთი დღით ადრე, სააპლიკაციო განაცხადში მითითებული ელექტრონული მისამართის ან/და სატელეფონო შეტყობინების საშუალებით);
 - 3.4. კონკურსში გამარჯვებული კონკურსანტის გამოვლენა და კონკურსის შედეგის გამოცხადება ბსუ-ს ვებგვერდზე - არაუგვიანეს 2022 წლის 26 დეკემბრისა;
 - 3.5. კონკურსის შედეგზე სააპელაციო საჩივრის წარდგენა ბსუ-ს საქმისწარმოების სამსახურში (კანცელარია) - 2022 წლის 27 დეკემბერს, 10:00 სთ-დან 17:00 სთ-მდე;

3.6. კონკურსანტის საჩივრის განხილვა სააპელაციო კომისიის მიერ - 2022 წლის 28 დეკემბერს;

3.7. კონკურსის საბოლოო შედეგის გამოცხადება ბსუ-ს ვებგვერდზე - 2022 წლის 29 დეკემბერს.

4. კონკურსში გამარჯვებული კანდიდატი, მის მიერ ბსუ-ს ელექტრონულ ფოსტაზე- bsukonkursi2022@bsu.edu.ge საკონკურსო ვადებში გამოგზავნილი საკონკურსო დოკუმენტაციის (პირადი საქმის გახსნისათვის საჭირო დოკუმენტების) მატერიალური სახით წარმოდგენის შემთხვევაში 2023 წლის 3 იანვრიდან დაინიშნოს ბსუ-ს მთავარი შიდა აუდიტორის თანამდებობაზე და გაფორმდეს შრომითი ხელშეკრულება.
5. ბრძანება გამოქვეყნდეს ბსუ-ს ვებგვერდზე.
6. საინფორმაციო ტექნოლოგიების სამსახურის მიერ განთავსდეს ბსუ-ს ვებგვერდზე (კონკურსების და სამართლებრივი აქტების ველებში): წინამდებარე ბრძანება, კონკურსის გამოცხადების შესახებ ინფორმაცია (დანართი N1), სააპლიკაციო განაცადის ფორმა (დანართი N2), ბსუ-ს წარმომადგენლობითი საბჭოს 2021 წლის 24 დეკემბრის N07-01/58 გადაწყვეტილებით დამტკიცებული „ბსუ-ს დამხმარე პერსონალის შესარჩევი კონკურსის ჩატარების წესი“, ბსუ-ს წარმომადგენლობითი საბჭოს 2021 წლის 30 დეკემბრის N07-01/62 გადაწყვეტილებით დამტკიცებული „ბსუ-ს მთავარი შიდა აუდიტორის სამსახურში მიღების წესი“, ბსუ-ს შინაგანაწესი, ბსუ-ს ეთიკის კოდექსი, „სექსუალური შევიწროების პრევენციის პოლიტიკა“, ბსუ-ს წესდება.
7. ბრძანება დაეგზავნოს წარმომადგენლობით საბჭოს, ხარისხის უზრუნველყოფის სამსახურს, რექტორის მოადგილეებს, რექტორის აპარატს, საფინანსო-ეკონომიკურ დეპარტამენტს, იურიდიულ დეპარტამენტს, საქმისწარმოების სამსახურს (კანცელარია), საზოგადოებასთან ურთიერთობის სამსახურს და საინფორმაციო ტექნოლოგიების სამსახურს.
8. ბრძანება ძალაშია ხელმოწერისთანავე.
9. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

ადმინისტრაციის ხელმძღვანელი

 მერაბ დიასამიძე

„ბსუ-ს მთავარი შიდა აუდიტორის თანამდებობის დასაკავებლად შესარჩევი ღია კონკურსის გამოცხადების შესახებ“ ბსუ-ს ადმინისტრაციის ხელმძღვანელის 2022 წლის 09 დეკემბრის N 01-10/156 ბრძანების

დანართი 1

ღია კონკურსი
ბსუ-ს მთავარი შიდა აუდიტორის
თანამდებობის დასაკავებლად

1. საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტი (შემდეგში - ბსუ) აცხადებს ღია კონკურსს *ბსუ-ს მთავარი შიდა აუდიტორის თანამდებობის დასაკავებლად*.
2. ბსუ-ს მთავარი შიდა აუდიტორის *ფუნქციები* (სამუშაო აღწერილობა) და საკვალიფიკაციო მოთხოვნები განსაზღვრულია ბსუ-ს წარმომადგენლობითი საბჭოს 2021 წლის 30 დეკემბრის N07-01/62 გადაწყვეტილებით დამტკიცებული „ბსუ-ს მთავარი შიდა აუდიტორის სამსახურში მიღების წესით“ (თან ერთვის კონკურსის გამოცხადების შესახებ წინამდებარე განცხადებას).
3. უნივერსიტეტის მთავარი შიდა აუდიტორის თანამდებობის დასაკავებლად კანდიდატისათვის/კონკურსანტისათვის დადგენილი საკვალიფიკაციო მოთხოვნებია:
 - 3.1. ძირითადი მოთხოვნები (სავალდებულო):
 - ა) უმაღლესი აკადემიური განათლება - სამართლის, ბუღალტრული აღრიცხვის - აუდიტის, ფინანსების ან ეკონომიკის სფეროში/მიმართულებით;
 - ბ) აუდიტორის, შიდა აუდიტის ან/და შიდა კონტროლის მიმართულებით მუშაობის არანაკლებ 3 - წლიანი გამოცდილება;
 - გ) თანამედროვე საინფორმაციო და საკომუნიკაციო ტექნოლოგიების ფლობა, მათ შორის, საოფისე პროგრამული უზრუნველყოფის (MS Office Word, Outlook, PowerPoint, Excel) მაღალ დონეზე ცოდნა;
 - 3.2. დამატებითი მოთხოვნები:
 - ა) პასუხისმგებლობის მაღალი გრძნობა;
 - ბ) დროის ეფექტური მართვის უნარი;
 - გ) ანალიზისა და დეტალებზე ორიენტირების უნარი;
 - დ) გუნდური მუშაობის უნარი.
 - 3.3. სასურველი მოთხოვნები:
 - ა) განათლების სფეროში (საჯარო სამსახურში ან საჯარო უფლებამოსილების განმახორციელებელ დაწესებულებაში/სსიპ-ში) შიდა აუდიტორად მუშაობის გამოცდილება;
 - ბ) თემატური ტრენინგები შიდა აუდიტის საკითხებზე;
 - გ) ინგლისური ენის ცოდნა;
 - დ) საჯარო სექტორში აუდიტორული მომსახურების გაწევის უფლების დამადასტურებელი სერტიფიკატი.

4.. ბსუ-ს წარმომადგენლობითი საბჭოს 2021 წლის 30 დეკემბრის N07-01/62 გადაწყვეტილებით დამტკიცებული „ბსუ-ს მთავარი შიდა აუდიტორის სამსახურში მიღების წესის“ თანახმად მთავარი შიდა აუდიტორის ვალდებულებაა დაიცვას (შესაბამისად, უნდა იცოდეს) შიდა აუდიტის სტანდარტები, შიდა აუდიტის მეთოდოლოგია, შიდა აუდიტორთა ინსტიტუტის პროფესიული პრაქტიკის ჩარჩოს სავალდებულო ელემენტები და შიდა აუდიტის მარეგულირებელი სხვა სამართლებრივი აქტები.

5. ბსუ-ს მთავარი შიდა აუდიტორის შესარჩევი კონკურსის მონაწილე კონკურსანტს მოეთხოვება შემდეგი ნორმატიული სამართლებრივი აქტების ცოდნა:

ა) საქართველოს კონსტიტუცია;

ბ) „სახელმწიფო შიდა ფინანსური კონტროლის შესახებ“ საქართველოს კანონი;

გ) „სისტემური აუდიტის სახელმძღვანელოს/ინსტრუქციის დამტკიცების შესახებ“ საქართველოს მთავრობის 2016 წლის 26 დეკემბრის №592 დადგენილება;

დ) „შიდა აუდიტის მეთოდოლოგიის დამტკიცების შესახებ“ საქართველოს მთავრობის 2016 წლის 26 დეკემბრის №593 დადგენილება;

ე) „შიდა აუდიტის სტანდარტების დამტკიცების შესახებ“ საქართველოს მთავრობის 2010 წლის 30 ივლისის №1015 განკარგულება;

ვ) „შიდა აუდიტორთა ეთიკის კოდექსის დამტკიცების შესახებ“ საქართველოს მთავრობის 2010 წლის 30 ივლისის №1016 განკარგულება;

ზ) შიდა აუდიტორთა ინსტიტუტის (IIA) მიერ გამოქვეყნებული საერთაშორისო პროფესიული პრაქტიკის ჩარჩო (International Professional Practices Framework);

თ) „საჯარო დაწესებულებებში ინტერესთა შეუთავსებლობისა და კორუფციის შესახებ“ საქართველოს კანონი;

ი) შიდა აუდიტის სტანდარტები, შიდა აუდიტის მეთოდოლოგია, შიდა აუდიტორთა ინსტიტუტის პროფესიული პრაქტიკის ჩარჩოს სავალდებულო ელემენტები, მათ შორის, შიდა აუდიტის პროფესიული პრაქტიკის ძირითადი პრინციპები, შიდა აუდიტორთა ეთიკის კოდექსი, შიდა აუდიტის პროფესიული პრაქტიკის საერთაშორისო სტანდარტები და შიდა აუდიტის მარეგულირებელი სხვა სამართლებრივი აქტები;

კ) „უმაღლესი განათლების შესახებ“ საქართველოს კანონი;

ლ) „განათლების ხარისხის განვითარების შესახებ“ საქართველოს კანონი;

მ) „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანება;

ნ) „ზოგადსაგანმანათლებლო დაწესებულებებისა და უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანება;

ო) ბსუ-ს წესდება;

6. კონკურსანტმა 2022 წლის 12 დეკემბრიდან 19 დეკემბრის ჩათვლით ბსუ-ს ელექტრონული ფოსტის - bsukonkursi2022@bsu.edu.ge მეშვეობით, უნდა წარმოადგინოს:

ა) კონკურსანტის სააპლიკაციო განაცხადი (შევსებული კონკურსის გამოცხადების შესახებ ბრძანების N2 დანართის შესაბამისად);

- ბ) პირადობის მოწმობის ასლი;
- გ) უმაღლესი აკადემიური განათლების (სამართლის, ბუღალტრული აღრიცხვის – აუდიტის, ფინანსების ან ეკონომიკის სფეროში/მიმართულებით) მიღების დამადასტურებელი დოკუმენტი, დამოწმებული კანონმდებლობით დადგენილი წესით;
- დ) სამოტივაციო წერილი/განაცხადი (თუკი სააპლიკაციო განაცხადში არ არის შევსებული შესაბამისი ველი);
- ე) აუდიტორის, შიდა აუდიტის ან/და შიდა კონტროლის მიმართულებით მუშაობის არანაკლებ 3 - წლიანი გამოცდილების დამადასტურებელი დოკუმენტი (შრომის წიგნაკი ან/და დამსაქმებელის მიერ გაცემული ცნობა.
- ვ) სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლეობის ან საქმიანობის უფლების ჩამორთმევის არქონის შესახებ საქართველოს შინაგან საქმეთა სამინისტროს მომსახურების სააგენტოს მიერ გაცემული ცნობა (უნდა იყოს მოქმედი სააპლიკაციო განაცხადის და საკონკურსო დოკუმენტაციის წარმოდგენის დღისათვის. შენიშვნა: კანონმდებლობის თანახმად ცნობის მოქმედების ვადა 15 დღეა);
- ზ) სხვა დოკუმენტაცია, საკვალიფიკაციო ან/და ძირითადი მოთხოვნების დასადასტურებლად (არსებობის შემთხვევაში).

7.. ბსუ-ს მთავარი შიდა აუდიტორის შესარჩევი კონკურსი 2-ეტაპიანია:

- ა) კონკურსის პირველი ეტაპი - საკონკურსო კომისიის მიერ საკონკურსო დოკუმენტაციის შეფასება/გადარჩევა - - 2022 წლის 20 დეკემბერი;
- ბ) კონკურსის მეორე ეტაპი - გასაუბრება საკონკურსო კომისიასთან - 2022 წლის 21 დეკემბრიდან 23 დეკემბრის ჩათვლით პერიოდში (გასაუბრების ზუსტი თარიღის, ადგილის და დროის შესახებ კონკურსანტებს ეცნობებათ ერთი დღით ადრე, სააპლიკაციო განაცხადში მითითებული ელექტრონული მისამართის ან/და სატელეფონო შეტყობინების საშუალებით);
- 8. დაგვიანებით მიღებული ან არასრული საკონკურსო დოკუმენტაცია არ განიხილება და კონკურსანტი პირველივე ეტაპზე მოიხსნება კონკურსიდან (აღნიშნულის შესახებ კონკურსანტს ეცნობება სააპლიკაციო განაცხადში მითითებული ელექტრონული მისამართის ან/და სატელეფონო შეტყობინების საშუალებით).
- 9. კონკურსის მე-2 ეტაპზე - გასაუბრებაზე კონკურსანტმა უნდა წარმოადგინოს მის მიერ ელექტრონულად გადმოგზავნილი საკონკურსო დოკუმენტაციის დედნები, ასევე კონკურსთან დაკავშირებული სხვა დოკუმენტაცია - საკონკურსო კომისიის მოთხოვნის საფუძველზე.
- 10. კონკურსში გამარჯვებული კონკურსანტი გამოვლინდება და კონკურსის შედეგი გამოცხადდება ბსუ-ს ვებგვერდზე - არაუგვიანეს 2022 წლის 26 დეკემბრისა;
- 11. კონკურსის შედეგებზე სააპელაციო საჩივრის წარდგენა შესაძლებელი იქნება ბსუ-ს საქმისწარმოების სამსახურში (კანცელარია) - 2022 წლის 27 დეკემბერს, 10:00 სთ-დან 17:00 სთ-მდე;
- 12. კონკურსანტის საჩივარს (ასეთის არსებობის შემთხვევაში) სააპელაციო კომისია განიხილავს - 2022 წლის 28 დეკემბერს;
- 13. კონკურსის საბოლოო შედეგი გამოცხადდება ბსუ-ს ვებგვერდზე - 2022 წლის 29 დეკემბერს;

14. კონკურსში გამარჯვებული კანდიდატი დაინიშნება ბსუ-ს მთავარი შიდა აუდიტორის თანამდებობაზე და გაფორმდება შრომითი ხელშეკრულება 2023 წლის 3 იანვრიდან, მის მიერ ბსუ-ს ელექტრონული ფოსტაზე- bsukonkursi2022@bsu.edu.ge საკონკურსო ვადებში გამოგზავნილი საკონკურსო დოკუმენტაციის (პირადი საქმის გახსნისათვის საჭირო დოკუმენტების) მატერიალური სახით წარმოდგენის შემთხვევაში .

15. კონკურსთან დაკავშირებით ბსუ-ს ვებგვერდზე განთავსდება შემდეგი ინფორმაცია:

ა) იმ პირთა შესახებ, რომლებიც წარმატებით გაივლიან კონკურსის პირველ და მეორე ეტაპებს;

ბ) კონკურსში გამარჯვებული კონკურსანტების შესახებ;

გ) სხვა ინფორმაცია, საკონკურსო კომისიის/ბსუ-ს ადმინისტრაციის გადაწყვეტილებით.

16. კონკურსანტებმა, სააპლიკაციო განაცხადში მითითებული ელექტრონული ფოსტის მისამართზე ან/და ტელეფონის ნომერზე შესაძლებელია ბსუ-ს ადმინისტრაციიდან მიიღონ შემდეგი შინაარსის ინფორმაცია (შეტყობინება):

ა) საკონკურსო დოკუმენტაციის შესახებ დამატებითი ინფორმაცია;

ბ) დოკუმენტების გადარჩევის ეტაპზე კონკურსიდან მოხსნის ან გასაუბრებაზე დაბარების შესახებ;

გ) კონკურსის შედეგის შესახებ (დადებითი ან უარყოფითი);

დ) კონკურსის გასაჩივრების შემთხვევაში აპელაციის შედეგის შესახებ;

ე) საკონკურსო თანამდებობაზე დანიშვნის სამართლებრივი აქტის შესახებ.

„ბსუ-ს მთავარი შიდა აუდიტორის თანამდებობის დასაკავებლად შესარჩევი ღია კონკურსის გამოცხადების შესახებ“ ბსუ-ს ადმინისტრაციის ხელმძღვანელის 2022 წლის 09 დეკემბრის N 01-10/126 ბოძანების

დანართი N2

კონკურსანტის სააპლიკაციო განაცხადი

1. კონკურსანტის პერსონალური ინფორმაცია:

სახელი და გვარი	
პირადი ნომერი	
დაბადების თარიღი	
მისამართი (რეგისტრაციის და ფაქტობრივი)	
საკონტაქტო ტელეფონი	
ელ. ფოსტა	

2. ინფორმაცია კონკურსანტის განათლების შესახებ (მიღებული კვალიფიკაცია/აკადემიური ხარისხი/სტუდენტის სტატუსი, თუკი კონკურსანტი სწავლობს დოქტორანტურის საფეხურზე)

უმაღლესი საგანმანათლებლო დაწესებულების დასახელება	უმაღლესი საგანმანათლებლო პროგრამის დასახელება	მიღებული კვალიფიკაცია - აკადემიური ხარისხი	სწავლის დაწყებისა და დასრულების წლები

შენიშვნა: დაამატეთ გრაფები თქვენი შეხედულებით

3. ინფორმაცია კონკურსანტის სამუშაო გამოცდილების შესახებ (შენიშვნა: სავალდებულოა კონკურსანტს ჰქონდეს აუდიტორის, შიდა აუდიტის ან/და შიდა კონტროლის მიმართულებით მუშაობის არანაკლებ 3 - წლიანი გამოცდილება;

დასაქმების ადგილი- დაწესებულების დასახელება	დაკავებული თანამდებობა/ძირითადი ფუნქციები	დასაქმების პერიოდი	სააპლიკაციო განაცხადის წარმოდგენის დროს მოქმედი შრომითი ურთიერთობის ხანგრძლივობა/შრომითი ხელ-ის მოქმედების ვადა (ასეთის არსებობის შემთხვევაში)

შენიშვნა: დაამატეთ გრაფები თქვენი შეხედულებით

4. პროფესიული განვითარების ღონისძიებებში მონაწილეობა (კვალიფიკაციის ასამაღლებელი კურსები, ტრენინგები, პროფესიული მზადების/სერტიფიცირების კურსები/საგრანტო სახელშეკრულებო პროექტებში მონაწილეობა და სხვა“)

პროფესიული განვითარების ღონისძიების დასახელება (კურსის/ტრენინგი დასახელება)	ღონისძიების გამართვის ადგილი	თარიღი

შენიშვნა: დაამატეთ გრაფები თქვენი შეხედულებით

5. კონკურსანტის მშობლიური ენა -----,
უცხო ენის (ენების) ცოდნა:

უცხო ენა/ცოდნის დონე	გაგება (მოსმენა/კითხვა)	ლაპარაკი	წერა	შენიშვნა

	(შენიშვნა: დონე - A1/A2/B1/B2/C1/C2)	(ინტერაქტიული საუბარი/საუბრის გააზრება) (შენიშვნა: დონე - A1/A2/B1/B2/C1/C2)	(შენიშვნა: დონე - A1/A2/B1/B2/C1/C2)	
უცხო ენა -				
უცხო ენა -				

შენიშვნა: დაამატეთ გრაფები თქვენი შეხედულებით

6. თანამედროვე საინფორმაციო და საკომუნიკაციო ტექნოლოგიების ფლობა, მათ შორის, საოფისე პროგრამული უზრუნველყოფის (MS Office Word, Outlook, PowerPoint, Excel) ცოდნის დონე:

	ცოდნის დონე - მაღალი	ცოდნის დონე - საშუალო	ცოდნის დონე - დაბალი
MS Office Word			
Outlook,			
PowerPoint			
Excel			

შენიშვნა: მონიშნეთ შესაბამისი გრაფები.

7. კონკურსანტის სხვა სახის აქტივობა (ჯილდო, სტიპენდია და სხვა აქტივობა)

აქტივობის დასახელება	შენიშვნა/დამატებითი ინფორმაცია

შენიშვნა: დაამატეთ გრაფები თქვენი შეხედულებით

8. კონკურსანტის სამოტივაციო განაცხადი (არაუმეტეს 200 სიტყვა):
-

9. კონკურსანტის მიერ წარმოდგენილ სააპლიკაციო განცხადს თან ერთვის კონკურსანტის შემდეგი საკონკურსო დოკუმენტაცია:

- პირადობის მოწმობის ასლი -- ფურც;
- განათლების (აკადემიური ხარისხის/კვალიფიკაციის) დამადასტურებელი დოკუმენტი -- ფურც;

3. სამუშაო გამოცდილების დამადასტურებელი ცნობა -- ფურც;
4. სამოტივაციო წერილი (თუკი წინამდებარე სააპლიკაციო განაცხადში არ არის შევსებული შესაბამისი ველი) - ფურც;
5. სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლეობის ან საქმიანობის უფლების ჩამორთმევის არქონის შესახებ საქართველოს შინაგან საქმეთა სამინისტროს მომსახურების სააგენტოს მიერ გაცემული ცნობა (უნდა იყოს მოქმედი საკონკურსო დოკუმენტაციის წარმოდგენის დროისათვის).
6. სხვა დოკუმენტაცია ---- ფურც.

10. კონკურსანტის განაცხადი წარმოდგენილი ინფორმაციის (დოკუმენტაციის) ნამდვილობაზე და თანხმობა პერსონალური მონაცემების დამუშავებაზე:

„ვადასტურებ წინამდებარე სააპლიკაციო განაცხადში აღნიშნული ინფორმაციისა და ჩემ მიერ წარმოდგენილი დოკუმენტაციის სისწორეს/ნამდვილობას და თანხმობას ვაცხადებ პერსონალურ მონაცემთა დაცვის შესახებ საქართველოს კანონმდებლობით დადგენილი წესით და მოცულობით დამუშავდეს ჩემი პერსონალური ინფორმაცია **ბსუ-სთან** წინასახელშეკრულებო ურთიერთობის, ხოლო კონკურსში გამარჯვების შემთხვევაში - შრომითი ურთიერთობის პერიოდში უნივერსიტეტის საქმიანობის ფარგლებში სხვა კანონიერი საჭიროებიდან გამომდინარე).

.....

(კონკურსანტის სახელი, გვარი და ხელმოწერა)

სააპლიკაციო განაცხადის წარმოდგენის თარიღი -----